



Na osnovu člana 62. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 28. Zakona o radu ("Službene novine Federacije BiH", broj 43/99, 32/00 i 29/03) u vezi sa članom 47. Zakona o državnoj službi u Federaciji BiH ("Službene novine FBiH", broj 29/03, 23/04, 39/04, 54/04, 67/05, 8/06 i 4/12) i člana 4 Pravilnika o kriterijima, postupku izbora i prijemu volontera VII stepena stručne spreme u Jedinstvenom organu uprave Općine Breza broj: 01/2-05-512/13 od 05.03.2013.godine, Općinski načelnik raspisuje

JAVNI OGLAS za prijem volontera u Jedinstveni organ uprave Općine Breza

Radi stručnog osposobljavanja za samostalan rad raspisuje se javni oglas za prijem volontera sa visokom stručnom spremom u Jedinstveni organ uprave Općine Breza, bez zasnivanja radnog odnosa i to:

1. Volonter – bakalaureat/bachelor – javne uprave1 volonter

Volonterski rad traje (1) jednu godinu bez zasnivanja radnog odnosa, a izbor i prijem volontera vrši se u skladu sa jedinstvenim kriterijima utvrđenim u Pravilniku o kriterijima, postupku izbora i prijemu volontera VII stepena stručne spreme u Jedinstvenom organu uprave Općine Breza.

Na javni oglas mogu se prijaviti lica koja, pored općih uslova utvrđenih u članu 25. Zakona o državnoj službi u Federaciji BiH ("Službene novine FBiH", broj 29/03, 23/04, 39/04, 54/04, 67/05, 8/06 i 4/12), ("Službene novine ZDK broj: 9/10 I 3/12), ispunjava i sljedeće uslove:

1. VII stepen visoke stručne spreme, odnosno visoko obrazovanje prvog ciklusa Bolonjskog sistema obrazovanja smjer javna uprava,
2. Da se nalazi na evidenciji nezaposlenih kod nadležne službe za zapošljavanje,
3. Da nemaju radno iskustvo nakon sticanja visoke stručne spreme,

II - Izbor kandidata koji ispunjavaju uslove izvršit će se bodovanjem na osnovu sljedećih kriterija:

1. Prosjek ocjena završenog studija,
2. Trajanje nezaposlenosti, nakon sticanja diplome VII stepena stručne spreme prema evidenciji nadležne službe za zapošljavanje,
3. Invalidnost – ako kandidat ima invalidnost 60% i više,

4. Intervju – provodi se sa svim kandidatima koji ispunjavaju uslove javnog oglasa u cilju procjene sposobnosti kandidata.

III – Potrebni dokumenti – originali ili ovjerene kopije.

1. Fakultetska diploma (nostrificirana diploma, ukoliko fakultet nije završen u BiH),
2. Prosjek ocjena završenog studija,
3. Uvjerenje o državljanstvu,
4. Rodni list,
5. Uvjerenje nadležne službe za zapošljavanje da se kandidat nalazi na evidenciji nezaposlenih osoba i od kada.
6. Uvjerenje nadležnog organa o stepenu invalidnosti kandidata,
7. Izjava da nije obuhvaćen odredbom člana IX 1. Ustava BiH

Dokumente iz tačke 3. 4. i 7. izabrani kandidat može dostaviti u roku od 8 dana od dana prijema obavijesti o rezultatima javnog oglasa, a ostale dokumente obavezan je dostaviti odmah uz prijavu na javni oglas.

IV – O datumu, vremenu i mjestu održavanja intervjua kandidati će biti blagovremeno obaviješteni.

V – Nakon provedenog postupka izbora volontera utvrđenog Pravilnikom o kriterijima, postupku izbora i prijemu volontera VII stepena stručne spreme u Jedinostvenom organu uprave Općine Breza, sa kandidatom sa najvećim brojem bodova zaključit će se Ugovor o volonterskom radu.

Ako dva ili više kandidata imaju isti broj bodova prednost ima kandidat koji je ostvario više bodova po prvom ili sljedećem kriteriju iz člana 5. Pravilnika.

VI – Nepotpune i neblagovremene prijave, kao i prijave kandidata koji ne ispunjavaju uslove javnog oglasa Komisija ne uzima u razmatranje.

V – Rok za podnošenje prijava

Prijave na javni oglas podnose se u roku od 15 dana od dana objave javnog oglasa u "Službenim novinama FBiH".

Javni oglas će se takođe objaviti na web stranici Općine Breza i oglasnoj ploči Općine Breza.

Prijavu sa potrebnim dokumentima u zatvorenoj koverti poslati na adresu:

OPĆINA BREZA
Komisija za izbor volontera
sa naznakom "Ne otvarati"
Ul. Bogumilska br.1.
71370 B R E Z A

Broj: 01/2-05-1260/13
Breza, 10.05.2013.godine

OPĆINSKI NAČELNIK
Halil Tuzlić, s.r.